

Գ. Գ. Գրիգորյան

ՄԱԴԱԹ ՊԵՏՐՈՍՅԱՆ

(1867—1944)

Մադաթ Պետրոսյանը հայ պրոլետարական գրականության ավագ ներկայացուցիչներից մեկն է։ Գրական ասպարեզ է մտել անցյալ դարի 90-ական թվականներին։ Խորապես վերապրելով աշխատավոր գյուղացիության, քաղաքային աշխատավորական խավերի և բանվոր դասակարգի աննախանձելի վիճակը, հենց սկզբից դրսևորել է իրեն որպես նրանց շահերի ջերմ պաշտպան։

1905 թ. ռևոլյուցիային հաջորդող ռեակցիայի տարիներից հետո, բուլշևիկների պարտիայի շնորհիվ ստեղծված ռևոլյուցիոն նոր վերելքի ազդեցությամբ Պետրոսյանը որպես բանվոր և որպես գրող իր ստեղծագործություններում հանգում է ջարական-կապիտալիստական կարգերը տապալելու և բանվոր դասակարգի դիկտատուրայի հաստատման գաղափարին։ Պետրոսյանը Արազու հետ միասին հիմք է դնում հայ պրոլետարական արձակին։ Նրանք, ինչպես և հայ առաջին պրոլետդրամատուրգ Ան. Վարդանյանը, բանվոր դասակարգի կյանքին ու պայքարին նվիրված իրենց գործերով՝ Հակ. Հակոբյանի գլխավորությամբ՝ զարգացնում են հայ պրոլետարական գրականությունը և դրանով իսկ ուժեղ հարված հասցնում հայ նացիոնալիստ դրոշմներին։ Հոկտեմբերյան Մեծ ռևոլյուցիայից հետո Պետրոսյանը հայ առաջին արձակագիրներից մեկն էր, որ լծվում է սանդաղագործական նոր աշխատանքի և իր պատմվածքներում ու վիպակներում պատկերում է գյուղի և քաղաքի սոցիալիստական շինարարությունը ու սոցիալիզմի հաղթանակի համար պայքարող մարդկանց անձնուրաց աշխատանքը։

Մադաթ Պետրոսյանը ծնվել է 1867 թ. մայիսին, Իջևանի շրջանի Կոթի գյուղում, «պետական խարջի, բեգարի, կոռի տակ ճնշված» գյուղացու ընտանիքում, — ինչպես գրում է նա իր ինքնակենսագրության մեջ։ Գրաճանաչությունը սովորել է գյուղում։ Ուսում ստանալու մեծ ցանկությամբ՝ հակառակ աղքատությունից «աչք չբացող» հոր կամքի, 1879 թ. գաղտնի փախչում է Թիֆլիս և դժվարությամբ ընդունվում «արհեստավորաց» դպրոց, որն ավարտում է 1886 թ.։ Տնտեսական վատ պայմանների պատճառով Պետրոսյանը չի կարողանում ստանալ տեխնիկական բարձրագույն կրթություն։ Ստիպված մտնում է աշխատանքի Ավջալայի ջրմուղում։ Երեսույն երկու տարի ջրմուղում որպես կաթսավար աշխատելուց հետո՝ 1918 թ. փետրվարին մենշևիկյան ավանտյուրայի հետևանքով մի շարք հայ բանվորների հետ միասին հեռացվում է ջրմուղից իբրև կասկածելի անձնավորություն։ Որոշ ժամանակ անց, որպես սևագործ բանվոր աշխատում է մի կինոչենքի վրա։ Շենքի կառուցումն ավարտվելուց հետո դառնում է կինոյի վարիչ և վարում է այդ պաշտոնը մինչև 1928 թիվը։

1937 թ. Վրաստանի կառավարությունը գնահատելով Մ. Պետրոսյանի բազմամյա աշխատանքը գյուղատնտեսության և գրականության մասնագետ, նրան շնորհում է Աշխատանքի Հերոսի կոչում:

Մ. Պետրոսյանը գրել սկսել է 1896 թվից: Այդ և հետագա տարիներին «Մուրճ»-ում լույս են տեսնում նրա «Կոթի գյուղ» ընդհանուր վերնագրով լայնածավալ օչերկները: 1903 թ. նույն «Մուրճ»-ում լույս է տեսնում «Մի կտոր հացի համար» պատմվածքը, որն արժանանում է լայն ընդունելության: Ոգեվորվելով առաջին պատմվածքի հաջողությունից գրում է «Երկաթուղու բուսկաշու կյանքից» մի պատմվածք ևս՝ «Նուսի» վերնագրով, որը թարգմանվում է տպագրվում է «Новое обозрение» օրաթերթում: Այդ երկու պատմվածքներով Մ. Պետրոսյանը ճանաչվում է որպես գրող:

1906 թ. լույս է տեսնում Մ. Պետրոսյանի պատմվածքների առաջին ժողովածուն, որը պարունակում է 10 պատմվածք՝ «Մի կտոր հացի համար», «Նուսի», «Կապույտ շապիկ», «Պահակը» և այլն: Վերջին երկուսը թարգմանվում են վրացերեն ու լույս տեսնում առանձին գրքույկով: Երկրորդ ժողովածուն լույս է տեսնում 1911 թ. և պարունակում է 10 նոր պատմվածք՝ «Մեքենավարի հիշատակարանից», «Բանառում», «Հաղթած մահը» և այլն: Այս ժողովածուն ցարական կառավարությունը այրում է, իսկ հեղինակին առնում խիստ հսկողության տակ:

Մ. Պետրոսյանի ստեղծագործական բեղմնավոր աշխատանքն սկսվում է Հոկտեմբերյան սոցիալիստական Մեծ ռեոլուցիայից հետո: 1925 թ. լույս է տեսնում նրա պատմվածքների երրորդ ժողովածուն՝ «Նոր դարբնոց» վերնագրով: Այնուհետև լույս են տեսնում պատմվածքների չորրորդ (1926), հինգերորդ (1930), վեցերորդ (1931) ժողովածուները, «Վերելքի ճամբին», «Մեր հաղթանակը» (1931), «Մանկություն» (1935), վիպակները, «Միշտ պատրաստ», «Պիոները հնգամյակում» մանկական պատմվածքները և այլն: Մ. Պետրոսյանը գրել է երեսունից ավել մանկական պատմվածքներ, որոնք 1923—1932 թ. թ. տպագրվել են «Կարմիր ծիլեր»-ում, նրա մի շարք պատմվածքները՝ «Մեքենավարի հիշատակարանից», «Պահակը», «Կապույտ շապիկը», «Իմ վրացուհի ընկերուհիները», «Փոքրիկ մեքենավարը» և այլն տպագրվել են գաղութական դաշագրքերում:

Պետրոսյանը մեռել է 1944 թ. Թբիլիսիում:

I

Մ. Պետրոսյանի գրական գործունեությունը քաժանվում է երեք շրջանի: Առաջինն սկսվում է 1896 թ. և շարունակվում է մինչև 1910 թվը, երկրորդը՝ 1911 թ. և շարունակվում է մինչև Հոկտեմբերյան Մեծ ռեոլուցիան և երրորդ՝ հեղափոխության շրջան, որն սկսվում է 1921 թ. և շարունակվում է մինչև հեղինակի մահը:

Նախ տեսնենք առաջին երկու շրջանները:

Մ. Պետրոսյանի գրական մասնագիտացման շրջանները (90-ական թվականներ) կապիտալիզմի դարգացման՝ արդյունաբերության վերելքի և արդյունաբերական պրոլետարիատի համախմբվածության տարիներն էին, պրոլետարիատ, որն «իր մարտական ռեոլուցիոն հատկություններով արմատապես տարբերվում էր ճորտատիրական շրջանի ֆարդիկանների բանվորներից և

մանր, տնայնագործական ու ամեն տեսակ այլ արդյունաբերության բանվորներից»¹ Կապիտալիզմի զարգացումը տեղի էր ունենում նաև գյուղում: «Գյուղում ամենաուներ գյուղացիներից առանձնանում էր կուլակային վերնախավը, գյուղական բուրժուազիան, իսկ, մյուս կողմից, շատ գյուղացիներ քայքայվում էին, ավելանում էր գյուղացիական չքավորության, գյուղական պրոլետարների ու կիսապրոլետարների թիվը»²

Հասարակական, սոցիալական այդ տեղաշարժերը համեմատաբար դանդաղ, բայց տեղի էր ունենում նաև Անդրկովկասում:

Անտանեւի ծանր էր բանվոր դասակարգի և գյուղացիության դրությունը ինչպես Ռուսաստանում, այնպես էլ Անդրկովկասում: «Բանվորների և գյուղացիների գլխին կանգնած էր իսպրավիկների, ուրյադնիկների, ժանդարմների, ոստիկանների, ստրաժնիկների մի ամբողջ բանակ, որոնք պաշտպանում էին ցարին, կապիտալիստներին, կալվածատերերին՝ ընդդեմ աշխատավորների, ընդդեմ շահագործվողների: Մինչև 1903 թիվը գոյություն ունեին մարմնական պատիժներ... բանվորներին ծեծում էին ոստիկանությունն ու կազակները, մանավանդ գործադուլների ժամանակ, երբ բանվորները դադարեցնում էին աշխատանքը, չդիմանալով ֆաբրիկանտների ճնշումներին: Բանվորները և գյուղացիները քաղաքական ոչ մի իրավունք չունեին ցարական Ռուսաստանում»³ Հարստանում էր գյուղացիական բուրժուազիան՝ «կեղեքելով չքավորությանը և միջակ գյուղացիությանը»: Ցարական բյուրոկրատիան գյուղացիական բուրժուազիայի հետ միասին անսանձ կամայականություններով տնօրինում էր գյուղում: Ավելանում էր գյուղացիական չքավորության թիվը:

Հասարակական, սոցիալական այս տեղաշարժերին ականատես էր բանվոր արձակագիր Մ. Պետրոսյանը և որպես բանվոր խորապես զգում էր ցարական-կապիտալիստական կարգերի դաժանությունները: Ծիշտ է, նա դադարաբեկական անհրաժեշտ խորությամբ չի կարողանում բացահայտել այդ ժամանակաշրջանի դասակարգային հակասությունները, բայց, գրական առաջնորդ իջնելու հենց առաջին օրից հանդես է գալիս նախ աշխատավոր գյուղացիության ու ապա բանվոր դասակարգի շահերի արտահայտիչ ու պաշտպան:

«Մուրճ»-ի 1896, 1897 և 1898 թվականների համարներում ապագաբանաժ «Կոթի գյուղ» ընդհանուր վերնագիրը կրող օչերկներում մանրամասն նկարագրելով «Լազախի գավառի գյուղացիների ստրկական վիճակը, նրանց ունեթիւն ծանրացած «խարչի ու բեգարի» անասելի չարիքը, քյոխվի, «սուդյայի», վաշխառուների, պրիստավների և բազմաթիվ այլ կեղեքիչների անսանձ կամայաչ կանությունները՝ դրսևորում է իրեն որպես աշխատավոր գյուղացիության իրավունքների պաշտպան և ցարական կառավարության թշնամի: Այդ օչերկներն իրենց մերկացնող ուժով և սրությամբ ժամանակին մեծ գնահատականի են արժանանում: Հետագա տարիներին ավելի է խորանում Պետրոսյանի գաղափարական զարգացումը: Նրա ուշադրությունը գրավում են կապիտալիստական քաղաքն ու գործարանը, բանվորների՝ նոր մարզկանց աշխարհը, նրանց վիշտն ու կարիքը:

¹ «Համեմ (ը) Պարտիայի պատմություն, Համառոտ դասընթաց», էջ 8:

² Նույն տեղում, էջ 9:

³ Նույն տեղում, էջ 6:

1903 թ. լույս է տեսնում նրա «Մի կտոր հացի համար» պատմվածքը: Պատմվածքի հերոս մեքենավար Դավիթը մի կտոր հացից չզրկվելու և ընտանիքը սովի շմատնելու պատճառով, շնայած աննպաստ եղանակին, համաձայնվում է վարել շոգեքարշը և մեռնում է ոչ անակնկալ պատահարից: Պետրոսյանը ցույց է տալիս պատահարից մի քանի վայրկյան առաջ Դավիթի մեջ կատարվող ներքին պայքարը՝ կամ զոհել հաղարավոր ուղևորներին և ազատվել մահից և կամ իր մահով փրկել նրանց: Մեքենավար Դավիթը գիտակցաբար ընտրում է վերջինը: Մեքենավարի կինը կորցնելով ամուսնուն՝ իր միակ նկատելի աշխատանքն աշխարհում՝ խելագարվում է և երեսայի ձեռքից բռնած ընկնում է շոգեքարշի տակ: Ռեալիստական այս պատմվածքում պատճառաբանված են ինչպես Դավիթի ու նրա կնոջ վարքագիծը, այնպես էլ պատմվածքի գրեթե բոլոր մանրամասները: Դավիթի մահով հեղինակն ընդգծում է՝ առաջին՝ բանվոր Դավիթի անձնագոհությունը և խոր հումանիզմը (որ դաստիարակել էր նրա մեջ իր հարազատ բանվորական աշխարհը), հակադրելով այն կապիտալիստների գիշատիչ իրականությունը, երկրորդ՝ մի կտոր հացի համար ընտանիքով կապիտալիստներին վաճառված, ամեն վայրկյան մահվան ենթակա հաղարավոր Դավիթների աննախանձելի կյանքն ու իրավագույն վիճակը, և վերջապես՝ բողոքում է կապիտալիստական դաժան սեփմի դեմ՝ պաշտպանելով բանվոր դասակարգի շահերն ու իրավունքները:

Այս պատմվածքն իր իդեական բովանդակությամբ և քաղաքական որոշակի եզրակացությամբ առնչվում էր 1903 թվ. սեպտեմբերին և մասնաժողովի կողմից անցկացված Երկրորդ համաժողովին, որ տեղի էին ունենում նաև Անդրկովկասում (Ռարու, Միֆլիս, Ռաթում): Այդ պատճառով այն անմիջապես գրավում է բոլորի «ուշագրությունը իր նոր ձևի արտահայտությամբ և նոր խոսքի բովանդակությամբ»¹ և պատահական չէ, որ նույն 1903 թ. պատմվածքը թարգմանվում է սուսերեն, հրատարակվում առանձին գրքով և լայն տարածվում Անդրկովկասի և Խուստատանի բանվորության մեջ:

Բանվորի կերպարի նման մեկնարանությունը նորություն էր մեր արձակագրության մեջ: Նշանակալից է այն փաստը, որ բանվոր արձակագրի շնորհիվ «առաջին անգամ հայ գրականության մեջ գնացքի մեքենավարը դարձավ բնկերցողի ուշագրություն աստիճան: Սա չեմ կարողանում մինչև օրս էլ մոռանալ, շարունակում է Հակոբյանը, այն սրտաշարժ աղետի նկարագիրը այնքան ճշգրիտ, այնքան սեփեփ և այնքան մոտ մեր սրտին: Այդ օրից Մ. Պետրոսյանը դարձավ իմ պրակտիկ բնկերը և ես նույնքան հաճությամբ էի կարդում հեղինակի տպագրվող նրա պատմվածքները»² Պետրոսյանի նման օրինակ մուտքը գրականության մեջ սրտխառնում էր Հ. Հակոբյանին նախ այն պատճառով, որ Հակոբյանը նրա մեջ տեսնում էր բանվոր դասակարգի կյանքը պատկերող մի արձակագրի, որն իր պատմվածքներով նպաստելու էր նրա կազմակերպվածությանն ու սեպտեմբերի սպա քարձրացմանը և ապա պարզապես՝ որովհետև արական գրականությունը հայ իրականության մեջ, որով և նոր հարված հասցվում նացիոնալիստ գրողներին, որոնց համար բանվորական երգը խորթ և օտար հնչյուն էր: «Սրանք» գրում է Հակոբյանը Մ. Պետրոսյանի և Ան. Կարգանյանի մասին, — գրող էին տալիս մեր գրական

¹ Հ. Հակոբյան, «Անցյալի հուշերից», «Իրական աղետ», 1930 թ., № 4:

² Հ. Հակոբյան, նույն տեղում, № 4:

հակառակորդներին, հանձին նացիոնալիստ գրողների, թե բանվորական կյանքի գրականությունը ոտքի է կանգնում, քայլում է և արդեն ունի իր ներկայացուցիչները ոչ միայն պոեզիայի, այլև վիպագրության և դրամատուրգիայի բնագավառում»¹։

Պետրոսյանը իր ստեղծագործության նյութ դարձնելով բանվորական աշխարհը, շարունակում է վեր հանել քաղաքի աշխատավորական խավերի և բանվորական կյանքի տխուր պատկերները։ Բայց «Մի կտոր հացի համար»-ից հետո գրած «Լուսի», «Շուշան», «Պահակը», «Բանվոր» և մի շարք այլ պատմվածքներում նրանց շահերի պաշտպանության գիրքերից չիջնելով հանդերձ, չի պատճառաբանում իր մի քանի հերոսների վարքագիծը, չկարողանալով բարձրանալ քաղաքի աշխատավորական խավերի և դեռևս դասակարգային հստակ գիտակցության չեկած որոշ բանվորների մտածողության ու մտորումների մակարդակից։ «Շուշան» պատմվածքում ճիշտ պատկերելով Շուշանի հոգեկան տանջանքները, այնուամենայնիվ չի կարողանում պատճառաբանել Շուշանի նկատմամբ աղայի և նրա աղջիկների ցուցաբերած հոգատարությունը։ Հեղինակը նրանց գուրս է բերել աղքատներին օգնող ու սիրող հրեշտակներ, չնայած Շուշանը բազմիցս հիշեցնում է իր և նրանց միջև եղած մեծ տարբերությունը։ Հնարավոր է, որ մի աղա վաճառական «մարդկային» վերաբերմունք ցուցաբերեր մի խեղճ կոշկակարի և նրա ընտանիքի նկատմամբ, բայց այդ տիպական չէ և տվյալ դեպքում չի բացահայտում բուրժուական շահադիտական իրականության ամբողջ այլանդակությունը։ Անհավանական է ու ոչ պատճառաբանված նաև կալվածատիրոջ ծառայի դազանային վերաբերմունքը տաս տարեկան երեխայի նկատմամբ՝ «Լուսի» պատմվածքում։ Ծառայի սոցիալական դրությունը նրա մեջ պետք է առաջացներ սեր ու հոգատարություն իր բախտակից աղքատ Լուսիի նկատմամբ, մինչդեռ Պետրոսյանը ցույց է տալիս ճիշտ հակառակը։ «Պահակը» պատմվածքում ցարիզմի և կրոնի կործանարար էությունը բացահայտելով հանդերձ, չի պատճառաբանում բանվոր պահակի հոգեկան ծանր ապրումները, խելագարությունը և այլն։ Այս կարգի անհավանականությունները բացատրվում են անշուրտ տառապանքներից դուրս գալու ուղիների մասին հեղինակի ունեցած դեռևս ոչ պարզորոշ պատկերացումով։ Սրանով է բացատրվում նաև բանվորական կյանքից գրած «Բանվոր», «Մեքենավարի հիշատակարանից» և մի քանի այլ պատմվածքների թերությունները։ «Բանվոր» պատմվածքի բանվորը կապիտալիստների դաժան հարստահարումից, անբարոյական վաճառականի ստոր արարքներից սթափված, չնայած խոսում է աշխարհի անարդարության և իր ընդունակությունների համեմատ իրեն չվարձատրելու մասին, բայց շարիքից ազատվելու համար վճռական միջոցների չի դիմում։ Դասակարգային որոշակի գիտակցության եկած չլինելու պատճառով տեղի է տալիս գայլ աշխարհի առաջ և աչքերից «հեղեղի պես արցունք թափելով» ինքնասպանություն է գործում։ «Մեքենավարի հիշատակարանից» պատմվածքում բանվորը դեռևս իրեն համարում է մեքենայի հազարավոր մասնիկներից մեկը, նրա գերին։ «Ու ես, փոքրիկ մրջյունս, աշխատում եմ քեզ հետ զուգընթաց, իբրև հազարավոր մասնիկներից մեկը, հնազանդ ու ստրուկ», — ասում է նա։ Մեքենան իշխում է նրա խոհերի և զգացմունքների վրա։ Մեքենան ներկայանում

1. Հակոբյան, «Անցյալի հուշերից», «Գրական արշավ», 1930 թ., № 4։

որպես հրեշ և անզոր ու վհատված բանվորը «յուղում է նրա հրեշավոր ուժերը», իմանալով հանդերձ, որ այն պետք է ջախջախի իրեն: Այստեղ նա իր զաւրութիւնը թափում է մեքենայի վրա, ցանկանում է փշրել այն, իսկ նրա հետ նաև իրեն: «Թող խորտակվի նա, — բացազանչում է անզոր բանվորը. — ու նրա ալլանդակ կույտի հետ խառնվեն իմ վաստակած ոսկորները»: Երևի է. բանվորը մեքենան փշրելու միջոցով և իր մահով բողոքում է շահագործող դասակարգի դեմ, բայց այդ բողոքը անզոր է ու պասսիվ: Այս պատմվածքը գրվել է 1907 թ. և ակնհայտնի կերպով կրում է ուսակցիայի տարիների ազդեցութունը:

Այս և նախորդ պատմվածքների ընդհանուր թերութիւնն այն է, որ նրանց մեջ չի երևում «մարտական պրոլետարիատի դասակարգային պայքարի թափը»: Հակոբյան, նրա հզոր ուժով: Այսուհանդերձ անժխտելի է այդ պատմվածքների նշանակութիւնը բանվոր դասակարգի իրական միճակի, նրա ու կապիտալիստների դասակարգի միջև եղած հակասութիւնի բացահայտման և հեղինակի քաղաքական հասունացման համար: Մնում էր մի քայլ միայն, որ բանվոր արձակագիրը պասսիվ բողոքից անցնէր ակտիվ բողոքի, դասակարգային միասնական, կազմակերպված կռիւի անհրաժեշտութիւնը գիտակցմանն ու պրոպագանդային, մեքենայի և տիրող կարգերի առաջ տեղի տվող բանվորից՝ կազմակերպված և քարական ու կապիտալիստական կարգերի վրա վերջնական դրոշի պատրաստվող բանվորներին: Պետրոսյանը շատով կատարեց այդ քայլը՝ բուլշեիկների պարտիայի ղեկավարութիւնում սկսված բանվոր դասակարգի նոր սեպուցիան մերկայի շնորհիւ:

1905 թ. սեպուցիայի պարտութիւնից հետո, ստալինայինյան սեպուցիայի ուժեղացման պատճառով պարտիան անցնում է ընդհատակի: Պարտիան փոխելով բացահայտ պայքարի իր տակտիկան, գաղտնի կազմակերպում է բանվոր դասակարգին՝ դալիք մեծական հակառակմարտի համար: Անտիճանարար սկսեց անհետանալ բանվորների հոգնածութիւնը, որ սեպուցիայի պարտութիւնի առաջին տարիներն էին բերել: Բանվորները նորից սկսեցին պայքարի ելնել: Բուլշեիկների նախառնաութիւնը նոր սեպուցիան մերկայի անխուսափելիութիւն մտնել, հիշաւ դուրս եկավ: Արդեն 1911 թվականին գործադուլաւորների թիւը անցնում էր 100 հազարից¹: Այդ ոչ միայն տեսնում էր Պետրոսյանը, այլև տեսնում մտանկցում և ձգտում էր գեղարվեստական խորով բարձրացնել իր բնիկ բանվորների սեպուցիան ոգին: Ընդառէ, նա այս շրջանում էլ շափեց մաստաւական գործադուլների տեսարաններ, չկարողացավ գեղարվեստական լաշն կառնով բացահայտել պատմական այս ահագոյաւորը, բայց և այնպէս իր համեստ գրչով պաշտպանեց սեպուցիայի գաղափարները և համար ներշնչեց բնիկներին վերջնական հաղթանակի նկատմամբ: Իմ իրար, տեսնում ենք, որ 1910, 1911 և հետագա տարիներին սրած նրա պատմվածքներում ալլան լի երևում հոգնած, ցարական կապիտալիստական կարգերի առաջ տեղի տվող բանվորը: Նրա պատմվածքներում արդեն հանդես են գալիս «սպառնալից կրակը» իրենց «հազաւ մեծանամիրական խորքում առհամ», «գարիքի նոսր ստրկութիւնը» կործանելու պատրաստ և սպառնալից համար մահն արհամարհող բմբուսներ («Հաղթված մահը»):

¹ «Համէկ(ր) Պարտիայի պատմութիւնը, համառոտ պատմութիւն», էջ 300:

հարուստների «շքեղությունը փշրելու» ելած աղքատ վրիժառուներ («Երկու եղբայր»), «միություն վիթխարի ուժով նեխված կյանքը» և «փտած օրենքները» քար ու քանդ անող ռևոլուցիոներներ («Բանտում») և այլն:

«Բանտում» պատմվածքը գրվել է 1911 թ. Լիբիկական ջերմ շնչով գրված այդ պատմվածքում պատկերվում է մի մեծ գործարանի բանվորների գործադուլի հետևանքով հինգ երիտասարդ ռևոլուցիոներների բանտարկությունը, բանտը, «ամբակուռ շղթաներից» շնկճվող մյուս բուլշևիկների ցասումնալից դեմքերը և այլն: Այստեղ այլևս չի լսվում բողոք «աշխատանքի դիմաց» լրիվ չվարձատրվելու մասին. «բանվորներս գործադուլ էինք հայտարարել, կոպեկները չէր մեր նպատակը և ոչ էլ ժամերի թիվը», ասում է բանտարկված բանվոր ռևոլուցիոները, այլ ցարիզմի և կապիտալիզմի տապալումը, աշխատավոր ժողովրդի ազատագրումը: Այս համաժողովրդական կռիվը միացրել է իրար բոլոր ազգությունների բանվորներին (Սարոկին, Մալինին, Մարքս, Շտախբերգ և այլն), որոնք հարգում և պաշտպանում են իրար: Պետրոսյանը ցույց է տալիս, որ նրանք ռևոլուցիայի շահերից բացի ուրիշ շահ չունեն, ապրում և շնչում են միայն նրանով: Պետրոսյանը իր հերոսներին օժտել է ռևոլուցիոներներին բնորոշ գծերով՝ տոկունությամբ, մինչև վերջը կռվելու կամքով, անձնազոհությամբ և այլն: Անսահման ուրախանում է բանտարկված ռևոլուցիոները, երբ իմանում է, որ իր ընկերներն ազատ են. «Ընկերներս ազատ են և դա բավական է»: Պատմվածքի մյուս դրական կողմն այն է, որ թե բոլոր բանտարկյալները և թե հատկապես մահվան դատապարտված երիտասարդները գիտեն թե ինչպես ու ինչի համար են կռվել և, որ ամենակարևորն է, հավատում են իրենց գործի վերջնական հաղթանակին՝ «այն փայլուն արշալույսին, որը վաղը պիտի ծագի»: Այդ պատճառով նրանք գնդակահարությունից առաջ արհամարհում են իրենց «մեղքերը քավող» քահանային, մահը և ավանդ թողնում ընկերներին «վրեժխնդիր, վրեժխնդիր լինել» ու ամուր պահել «արյուն արցունքով ձեռք բերված» ռևոլուցիայի դրոշմ: Բանտարկվածները մահվան դատապարտված երիտասարդ ռևոլուցիոներներին ուղարկած գաղտնի նամակում գրում են՝ «ձեր արյան յուրաքանչյուր կաթիլը բոց կդառնա, կարմիր բոց և կլափե մեր սիրտը, եթե չգանք ձեր ետևից, նրանք կբանան հազարավոր կուրացած աչքեր և մի ահեղ ցասումով կփշրվեն դարավոր կուռ շղթաները»— ահա պատմվածքի իդեական բովանդակությունը: Եր թերություններով հանդերձ (որոշ սխեմատիզմ, վերջավորված տիպերի կամ տիպի բացակայություն և այլն), այս պատմվածքը մի ըմբոստ մարտակոչ էր ռևոլուցիոն վերելքի նախօրյակին, բանվոր դասակարգի կուտակվող հզոր ուժի ու ցարական-կապիտալիստական դաժան ռեժիմը խորտակելու վճռականության արտահայտություն: Եվ պատահական չէ, որ ցարական կառավարությունը 1911 թ. դադարեցնում է Մ. Պետրոսյանի պատմվածքների ժողովածուի տպագրությունը, որի մեջ զետեղված էր և «Բանտում» պատմվածքը: Ցարական կառավարության ներքին գործերի մինիստրության մամուլի գործերի թիֆլիսի կոմիտեն Պետրոսյանի պատմվածքները տպագրող «Էպոսա» տպարանին գրում է՝ «Կոմիտեի գրասենյակը, պ. նախագահի հրամանով խնդրում է տպարանին կասեցնել հայերեն լեզվով գրքույկի հրատարակությունը՝ Մադաթ Պետրոսյանի «Պատմվածքներ» վերնագրով ժողովածուի 2-րդ գիրքը, մինչև հատուկ կարգադրություն ստանալը»: Այս հրամանից

կարճ ժամանակ անց ցարական գրաքննությունը «Հատուկ կարգադրությամբ» բռնագրավում և ալրում է ժողովածուի տպագրված 2000 օրինակը, համարելով այն բանվորների միտքը «խռովող» պրոպագանդա, նրանց ապստամբեցնող և հակապետական գործ:

Հիշյալ պատմվածքով բուրրվում են բանվոր արձակագրի գրական գործունեության նախահոկտեմբերյան առաջին երկու շրջանները, որոնք, ինչպես տեսանք, աչքի են ընկնում թեմատիկայի նորությամբ և նոր խոսքով, դասակարգային գիտակցության հասնող բանվոր դասակարգի նախ պասսիվ, ապա ամբոստ բողոքով, ընդհատակում գործող ուղղուցիտներների անհաշտ պայքարի մի քանի գրվագների նկարագրությամբ և վերջապես ուղղուցիտն նոր ալիքի բարձրացման նախօրյակին բանվոր դասակարգի վերջնական հաղթանակի նկատմամբ հեղինակի ունեցած լավատեսության դրսևորումով:

Հոկտեմբերյան սոցիալիստական Մեծ ուղղուցիտից մինչև 1921 թիվը Պետրոսյանը գրում է մի քանի պատմվածքներ միայն, որոնք նոր բան չեն ավելացնում նրա մինչ այդ եղած ստեղծագործությունների վրա:

2

Սովետական կարգերի հաստատումից հետո 54-ամյա արձակագիրը լրծվում է գրական-ստեղծագործական նոր աշխատանքի, կրկնապատկված եռանդով աշխատում է օգտակար լինել իր երազած կարգերի ամրապնդման ու զարգացման գործին: Նրա ստեղծագործության այս նոր էտապի հիմնական թեմատիկան է՝ առաջին՝ ցարական և կապիտալիստական տիրապետության դաժան ու ժիմի օրոք բանվոր դասակարգի կյանքի, ուղղուցիտն պայքարի ու քաղաքացիական պատերազմի մի քանի դրվագների վերհուշը. երկրորդ՝ սոցիալիստական շինարարության և աշխատանքի գովերգը, երրորդ՝ դյուլատրինալիստական կոյեկալիստիզմը, չորրորդ՝ նոր բնատնիքի պրոբլեմը՝ ինդուստրիալ-գործարանային ստեղծագործ աշխատանքի ֆոնի վրա և հինգերորդ՝ ցարիզմից ժառանգություն ստացած հետամնաց գյուղի կուլտուրական զարթոնքը, աճող նոր սերնդի՝ կոմսոմոլի և պիոներիայի աշխատանքը ստալինյան առաջին հնգամյակում: Նախ տեսներ տոաջինը:

1) Հոկտեմբերյան Մեծ ուղղուցիտի հետևանքով կյանքում կատարված արմատական փոփոխությունները, աշխարհում առաջին անգամ երկրի տերը դարձած բանվոր դասակարգի և աշխատաւորության ստեղծագործական խոնդավառությունը Պետրոսյանի մեջ առաջացնում են անցյալ ծանր կյանքի և ցարիզմի ու կապիտալիզմի դեմ բանվոր դասակարգի մղած հերոսական պայքարի վերհուշ, կատված քաղաքացիական պատերազմի մի քանի դրվագների պատկերման հետ: Անցյալի վերհուշը, սակայն, Պետրոսյանի մոտ խնդանապատակ չէ: Իր մի շարք պատմվածքներում («Հունվարի 9-ը», «Բանվորուհի Սեյդիկա», «Սա բուրձնիկ եմ», «Կապտնի ծրարք» և այլն) և մի քանի վիպակներում («Մեր հաղթանակը», «Մանկություն») անցյալի ու ներկայի հակադրությամբ, ինչպես նաև յուսապաշտոն ներկան ձեռք բերելու հերոսամարտերի նկարագրությամբ Պետրոսյանը ձգտում է վեր հանել Հոկտեմբերյան սոցիալիստական Մեծ ուղղուցիտի պատմական նշանակությունը: Առաջին անգամ կյանքում, առանց վախի, առանց բռնանալու իր համոզմունքների ու գլխացմունքների վրա, նա համարձակւրեն պատկերում է անցյալի

դաժան ու ապականված իրականությունը՝ ընթերցողի մեջ նրա նկատմամբ հակակրանք ու ատելություն, իսկ ներկայի նկատմամբ սեր ու նվիրվածություն դաստիարակելու որոշակի դիտավորությամբ: Ամբողջ էությամբ բանվոր դասակարգին նվիրված Պետրոսյանը սովետական կարգերի հաստատման առաջին իսկ օրից իր պատմվածքներով սովետական հայրենասիրության սրբապագանդա էր անում: Նա այդ անում էր առայժմ անցյալի և ներկայի հակադրությամբ, «Մեր հաղթանակը» վիպակի հերոսներ Զիզիի և Արծվի կյանքի ու իր անշուղ մանկության նկարագրությամբ՝ «Մանկություն» վիպակում:

«Մեր հաղթանակը» վիպակի հերոս Զիզին մորը կորցնելուց հետո խորապես զգում է իրականության ողջ ահավորությունը: Քաղցի սպառնալիքը նրան մղում է դուրս և 17-ամյա աղջիկը առաջին անգամ փորձում է սեփական աշխատանքով հաց վաստակել: Սակայն մեղկ ու ապականված իրականությունը չի ժպտում աղքատին: Բոլորը՝ սկսած ամենացածր պաշտոնյայից, վերջացրած բուրժուական աշխարհի պրոֆեսորով (երաժշտության նալուժ են նրան «Իբրև հեշտանքի, զվարճության առարկայի» և խոստանում են հաց կամ աշխատանք տալ իր մարմինը վաճառելու պայմանով: Հոգեկան ու ֆիզիկական անկումից նրան փրկում է բանվոր ռևոլուցիոներ Արծիվը և ընդհանուր կյանքի և ռևոլուցիոն աշխատանքը, որին նվիրվում է Զիզին ու ակտիվ գործում մինչև ցարական դաժան կարգերի տապալումը: Պարզ լեզվով ու շերմ լիրիզմով գրված այս վիպակում Մ. Պետրոսյանը տալիս է Զիզիի բարդ և մեծ մասամբ համոզիչ ապրումների նկարագիրը, նրա վիշտը, բացասականությունը և աղատ կյանքի նկատմամբ ունեցած երազանքը: Անարգանքի սյունին է գամում բանվոր դասակարգի և միլիոնավոր աշխատավորների ուսերին ծանրադած «երկաթե բռնեցրը»՝ ցարական և կապիտալիստական ատելի ռեժիմը: Զիզիի նկատմամբ բուրժուական պրոֆեսորի և նրա տղայի ցուցաբերած վերաբերմունքով, ինչպես նաև հասարակաց տան նկարագրությամբ որի մըշտական հաճախորդները քաղաքապետները, բարձրաստիճան շինուհիկներն ու հարուստներն էին) բացահայտում է կործանվող դասակարգի բարքերի ապականվածությունը: Հանձին Զիզիի, վառ ձգտումներով, իր քրտինքով ապրող և բարձր բարոյականությամբ օժտված հասարակ մարդկանց հակադրում է բուրժուական աշխարհի ապականված վերնախավին՝ զզվանք և ատելություն առաջացնելով վերջինիս նկատմամբ: Բանվոր Արծվի կյանքի պատմությամբ, նրա վարքագծով և հատկապես Զիզիի նկատմամբ ցուցաբերած հոգատարությամբ, ընդգծում է բանվոր ժողովրդի հարուստ հուզաշխարհն ու իսկական հումանիզմը: Արծվի և ընդհանրապես ռևոլուցիոն խմբակի գործունեությամբ, ինչպես նաև մայիսյան ցույցի, Զիզիի ու բանտարկված մյուս ռևոլուցիոներների բանտային կյանքի էպիզոդիկ նկարագրությամբ վեր է հանում ցարական և կապիտալիստական կարգերի դեմ մղված դժվար, բայց տևական ու համառ պայքարի հերոսական բնույթը: Այս պատմվածքում նրա հերոսները կովում են ոչ թե տնտեսական որոշ զիջումների, այլ «պրոլետարիատի դիկտատուրայի» համար:

Բարձր գաղափարականությամբ գրված այս պատմվածքը գերծ է նաև որոշ թերություններից՝ գեղարվեստական կատարման իմաստով: Մ. Պետրոսյանը վիպակում հերոսների և հատկապես ցարիզմի տապալման մասին ա-

վելի շատ պատմում է, քան ցույց տալիս գործողության մեջ: Ցարական կարգերի տապալման մասին իմանում ենք Ձիզլին և մյուս բանտարկյալներին բանտից ազատելու կապակցությամբ միայն: Ինչքան համոզիչ ու ռեալ է Ձիզլի մինչ ռևոլյուցիոն կյանքի նկարագիրը, նույնքան անհամոզիչ ու էպիզոդիկ է նրա ռևոլյուցիոն գործունեությունը և հատկապես հանկարծական վերափոխումը: Դասակարգերի և դասակարգային պայքարի մասին բացարձակապես ոչ մի գաղափար չունեցող, հասարակաց ու ալյասերված պրոֆեսորի տնից փախած և ապա փողոցային երգչուհի դարձած Ձիզլին մի արիստոկրատ կնոջ արհամարհանքից հետո՝ կողքին կանգնած բանվորին նայելով գալիս է դասակարգային գիտակցության ու հանկարծ խոսում դասակարգային «խուլ» պայքարի մասին: «Հայացքս ընկավ բանվորին, մի խուլ դասակարգային պայքար համակեց մեզ երկուսիս»: Գեղարվեստորեն չի պատճառաբանված Ձիզլի բանտարկությունը և վիրավոր Արծվին երկար ժամանակ ծպտյալ խնամելը: Վիրավորը իր սիրածին չի ճանաչում, որովհետև, ինչպես ձգտում է համոզել հեղինակը, նա կրում է սև ակնոցներ և ներկայանում է որպես բժշկական քույր:

Ցարական կարգերի դեմ ուղղված բացահայտ բողոքով հանդերձ («Մանկություն» վիպակում) Պետրոսյանը իր մանկությունը և գյուղական կյանքը ներկայացնում է հովիբերգական երանգով: Վիպակի առաջին մասում չի երևում, որ վիպակի հերոսի՝ Մադնաց գյուղը ցարական կառավարության կրոնկի տակ հեծող խավար ու աղքատ գյուղն է: Չափազանց բարի է նաև «անծանոթ վաճառականը»: Նա ոչ միայն չի ճանկում այս նոր «Երեքորին», այլև բարի խրատներից ու նրա ապագայի մասին արած դատողություններից հետո ընդունել է տալիս արհեստագործական դպրոց, որ տիպական չէ «բազաղ Ձիմզիմովների» և նրանց ժամանակաշրջանի համար: Վեպի հերոս Մադնի մեջ կոլեկտիվիստական գիտակցություն և ցարական կարգերի նկատմամբ ատելություն դաստիարակող ռևոլյուցիոններ խելոն չի տրվում գործողության մեջ. նրա մասին միայն պատմվում է:

Վերոհիշյալ մի քանի թերությունները չեն արժեքազրկում «Մեր հաղթանակը» և «Մանկություն» վիպակների իդեական-դաստիարակչական արժեքը: Դրանցով հեղինակը նոր սերնդի մեջ դաստիարակում է սովետական վառ հայրենասիրություն և աշխատանքային պայքարի կոչ անում «հանուն արթնացած շքնաղ երկրի»: «Ա՛հ, ինչպես եմ նախանձում կայտառ մանուկներին, ասում է «Մանկության» հերոս—հեղինակը, որ մեր վերելքի այս հոյակապ ճամբին առաջին շարքերում մարտնչողների բախտը նրանց է վիճակված... կուլեի նորից ապրել, նորից հուզվել... կուլեի մեր այս պայքարի օվկիանում, խավարը ճեղքելի ու սովետական լուսաբացի շողերով զարդարելի մեր արթնացած շքնաղ երկիրը»:

Մ. Պետրոսյանը եթե հիշյալ վիպակներում շեշտը դնում է ցարիզմի օրոք աշխատավորության ստրկական վիճակի վրա, կապված բանվոր ժողովրդի ընդհատակյա և բացահայտ ռևոլյուցիոն պայքարի հետ, ապա «Հունվարի 9»-ը, «Գաղտնի ծրարը» և այլ պատմվածքներում շեշտը դնում է գերազանցապես ցարիզմի դեմ բանվոր դասակարգի մղած պայքարի և նրա նկատմամբ տարած վերջնական հաղթանակի վրա: «Գաղտնի ծրար» պատմվածքում, որ նվիրված է Վրաստանի սովետականացման 10-րդ տարեդարձին, պատկերում է քաղաքացիական կոիվը և հատկապես Կարմիր Բանակի հաղ-

թական մուտքը Թբիլիսի, ինչպես նաև հաղթանակից հետո կազմակերպված շքերթը, Կարմիր Բանակի զորամասերի նկատմամբ Թբիլիսիի աշխատավորության ցուցաբերած անսահման հոգատարությունն ու խանդավառ ընդունելությունը: Հեղինակը կենդանություն է հաղորդել պատմվածքին բանվոր բուլշևիկ Շալվա Մեբուկեի անձնուրաց և հերոսական գործունեությամբ, որը թշնամու ռազմական օղակը ճեղքելիս, շնայած ստացած մահացու վերքին, գերմարդկային ուժերի գործադրումով հասնում է Կարմիր Բանակի զորամասերին ու հրամանատարին հանձնում սեփական արյունով ներկված գաղտնի ծրարը: Դրանից հետո Կարմիր Բանակի զորամասերն անցնում են վերջնական գրոհի և ազատագրում Թբիլիսին: Ռեալ ու պատճառաբանված են Շալվայի կնոջ, ռազմական խորհրդի անդամ՝ Լյուդմիլայի անձնական վիշտն ու հասարակական խինդը իրար խառնված բարդ հոգեվիճակի նկարագիրը՝ քաղաքը գրավելուց հետո կազմակերպված միտինգի, հիվանդանոց գնալու և վիրավոր ամուսնուն տեսակցելու ժամանակ:

Քաղաքացիական պատերազմի վերահիշյալ հերոսական դրվագի պատկերումով Պետրոսյանը կոչ է անում ամուր պահել հոկտեմբերյան մեծ ռևոլուցիայի նվաճումները և միլիոնավոր հերոսների արյան գնով ձեռք բերված աշխատավոր ժողովրդի հայրենիքը: Այս է պատմվածքի իդեական բովանդակությունն ու գեղարվեստական բարձր արժեքը:

Իր իդեական բովանդակությամբ «Գաղտնի ծրարին» սերտորեն առնչվում է «Հունվարի 9-ը» պատմվածքը: Այստեղ Պետրոսյանը պրոլետարիատի դիկտատուրայի ստեղծման ճանապարհին զոհված հերոսների հիշատակին պատշաճ հարգանք մատուցելու հետ միասին, իր երախտագիտության զգացմունքն է հայտնում ռուս մեծ ժողովրդին՝ մարդկության ազատարարին ու «փարոսին»: Խորապես գիտակցելով ռուս մեծ ժողովրդի համաշխարհային պատմական դերը պրոլետարիատի դիկտատուրայի ստեղծման գործում, ծերունի արձակագիրը գրում է. «Ու ես կանգնած էլբրուսի ձյունապատ գագաթին, արյան ու պալքարի մեջ ձուլված, հնոցի ու զնգանի մեջ մխված, համաշխարհային մեծ հաղթանակի դրոշմը ձեռքիս ամբողջ կրծքով կաղաղակեմ. ողջուն քեզ, մեծ Ռուսաստանի աշխատավոր ժողովուրդ, ողջուն քեզ մարդկության լուսատու փարոս»:

2) Մ. Պետրոսյանը չի տարվում միայն անցյալի վերհուշով: Նրան զբաղեցնում է նաև սովետական երկրի ամրապնդման, զարգացման և սոցիալիստական շինարարության գործը («Դործազուրկը», «Նոր դարբնոց», «Զագէսի բանվորը» և այլն): «Զագէսի բանվորը» ըստ էության արձակ բանաստեղծության մեջ տալիս է այս անգամ արդեն բնության դեմ կռիվ մղող նոր մարդկանց շինարար աշխատանքի պայթյուն, երկրի կառուցման և առաջընթացի գործում նրանց ցուցաբերած «երկաթե կամքն» ու անսահման եռանդը: Զագէսի էլեկտրակայանի շինարար բանվոր Ակոբի միջոցով վեր է հանում «նոր կյանքը կառուցող» սովետական ստեղծագործ մարդկանց, որոնք «իբրև մի մեծ հսկա դարբնում են նոր ուղին, հարթում լայն ճանապարհը, կերտում մեծ շենքեր, մեծ ջրամբարը շինարար աշխատանքի...» Նոր կյանքը ծնվում է և կծնվի շինարար, ստեղծագործ աշխատանքով — ահա պատմվածքի իդեան: Այդօրինակ աշխատանքի գովերգը Պետրոսյանի պատմվածքների հիմնական լեմաներից մեկն է: Բանվորին, դարբնին, քարտաշին և առհասարակ ֆիզիկական աշխատանքը նա բարձր է դասում ամեն ինչից, այդ պատճառով եր-

բեմն սխալ կերպով այն հակադրում է գրասենյակային մտավոր աշխատանքին, վերջինս համարելով տարտամ և հեղձուցիչ («Գործազուրկը»):

Ինդուստրիայի զարգացումը, բազմաթիվ հիդրոկայանների կառուցումը արմատապես փոխում է նաև գյուղի դեմքը: Սովետական մարդկանց միջոցով գյուղ մուտք գործած տեխնիկան դառնում է հին գյուղի կործանման և նոր գյուղի ստեղծման հիմնաքարը: «Նոր գարբնոց» պատմվածքը պատկերում է շժվարություն, բայց տեղի տվող հինը և զարգացման կենսունակություն ունեցող նորը: Պատմվածքի «ծերացած և կորացած Օհանը» իր կիսաքանդ դարբնոցով ու «հին կարկատած փուքսով» մարմնավորում է հին գյուղը հետամնաց ու պրիմիտիվ տեխնիկայով, իսկ Մադին՝ մեխանիզացիայի ենթարկված իր դարբնոցով՝ «խորը քնից» արթնացող նոր, սովետական գյուղը: Այդ երկուսի մեջ տեղի ունեցող կոիվը՝ հին և նորի կոիվն է: Մ. Պետրոսյանը կարողացել է հանձին սահմանի և Օհանի տալ մի կողմից ստեղծագործական եռանդով լցված և «հինը քանդելու: ու նրա տեղ նորը շինելու» նշանաբանով գործող սովետական մարդու, իսկ մյուս կողմից հնից, իր պապենական, մասնավոր դարբնոցից զժվարություն մեծ թանկությամբ բաժանվող, բայց և նույնի համակրող ու նորի ազդեցությամբ իր ապրած «խավար» կյանքի կործանարար էությունը միանգամից գիտակցող մարդուն, նրա ներաշխարհում կատարվող իրարամբե զգացումների խուլ պայթարով: Ծերունի Օհանի հոգեկան տանջանքներն ու ներքին պայթարը միանգամայն ռեալ է ու պատճառաբանված: Համոզիչ ու բնորոշ է նաև կատարված արագ փոփոխությունների առթիվ իր հին մուրճով նոր դարբնոց մտած Օհանի զարմանքը: «Խփում էր նոր սալին իր հին մուրճը ու մտածում... որքան արագ կատարվեց այս բոլորը... որքան արագ»:

3) Սովետական գյուղին վերաբերող մի այլ պատմվածքում («Ֆիլոքսերա») Մ. Պետրոսյանը տալիս է մի պատկեր գյուղի կոլեկտիվացումից: Այս պատմվածքում պաշտպանում է բոլշևիկների պարտիայի և սովետական կառավարության գյուղատնտեսության կոլեկտիվացման, կուլակին որպես դասակարգ վերացնելու քաղաքականությունը և դրսևորում «սովետականների» նրկատմամբ աշխատավոր գյուղացիության ցուցաբերած անհուն սերը: Հիշելով իր դառն անցյալը, նախկին աղքատ գյուղացի էստատեն զայրույթով պատմելով կուլակ Իվանի վարժագործի մասին, ասում է՝ «Միտդ ա՛, որ արտասունքը աչքերիս, մազով միռուքով մարդուս բաղիցղ դուրս արիր, հալա մի լավ էլ վրաս բղավեցիր... քա ես չուտեմ էս սովետականների հոգին, բա ես մատուղ չլինեմ նրանց օր ու արևին»: Հեղինակը ցույց է տալիս այնուհետև, որ դասակարգային թշնամին՝ կուլակը, հեշտությամբ չի զիջում իր դիրքերը: Նրանք զայրույթով ու վրեժով են նայում կոլխոզին, զանազան վնասարարական պլաններ են գծում՝ հույս ունենալով, թե «էգուց էլի» իրենց «դովրանը» կլինի: Աշխատում են կասկած առաջացնել կոլխոզնիկների մեջ գյուղի մեխանիզացիայի, գիտական հիմունքներով կազմակերպվող գյուղատնտեսության նկատմամբ և այլն: Այս պատմվածքում Մ. Պետրոսյանը ընդհանուր դեմքով կուլակների պլանների ձախողման ու կոլեկտիվացման հաղթանակը պատկերելու հետ միասին երգիծում է թշնամուն, հասցնելով այն քաղաքական երգիծանքի աստիճանի: Գյուղատնտեսը, խոսելով այգիներում տարածված ֆիլոքսերա հիվանդության, ամերիկական վազելի և վերջիններիս վրա տեղական ընտիր վազելի մատեր պատվաստելու մասին, ասում է՝ «հա, ճիշտ

է ասում ընկերը. էդ ամերիկական վազերի վրա պատվաստվում են տեղական ամենաընտիր վազերի մատեր... էնպես որ դետնի տակը մնում է Ամերիկան, դետնի երեսին մենք»:

Պատմվածքի թերությունն այն է, որ հեղինակը չի կարողանում բռնա տեսելու իր առաջացնել դասակարգային թշնամի կուլակներ Իվանների և մյուսների նկատմամբ: Նրանց երբեմն դուրս է բերում այնպիսի անզոր արարածներ, որոնք կարծես չգիտեն, թե ինչպիսի դիրք բռնեն կատարվող տեղաշարժերի հանդեպ: «Մենակ կուլակներն էին մթնել և չէին իմանում թե ինչ դիրք բռնեն»: Չի տրվում կուլակների կատաղի դիմադրության և վնասարարական գործունեության փաստեր, այդ պատճառով նրանց դեմ մղված կոիվը չի ստանում պահանջված սրությունը: Պետրոսյանի գյուղացին գեռևս նայիվ է և դասակարգային թշնամուն որոշ չափով ներող: Այնուհետև չնայած բատրակ Դաթոյի բերնով ասում է, որ կուլակներին «պետք է դուրս քշենք, թե չէ մեր գլխին օյին կբերեն», այնուամենայնիվ չի կարողանում առաջ տանել սյուտեն և տալ կուլակին որպես դասակարգ վերացնելու թեկուզ մի փաստ: Պատմվածքն առհասարակ սխեմատիկ է: Առաջ քաշված այս կամ այն հարցը լիովին չի զարգացվում գործողության միջոցով կամ գործողության մեջ, այդ պատճառով չենք տեսնում քիչ թե շատ մարմնավորված տիպեր: Այս թերությունները բացատրվում են նկարագրելիք միջավայրի թույլ ճանաչողությամբ: Պետրոսյանը չի ճանաչում նոր գյուղն ու գյուղացուն այնպես, ինչպես գործարանն ու բանվորին:

4) 1931 թ. տպագրված մի վիպակով («Վերելքի ճամբին») Մ. Պետրոսյանը նորից անդրադառնում է իրեն լավ ծանոթ միջավայրին՝ գործարանային կյանքին: Այդ վիպակում ինդուստրիալ-գործարանային ստեղծագործ աշխատանքի պատկերման հետ միասին և վերջինիս ֆոնի վրա առաջ է քաշում ու հիմնականում ճիշտ լուծում նոր ընտանիքի պրոբլեմը: Վիպակի հերոսուհի էմման ամուսնանում է «քարշի պետ», բուլշևիկ գյուտարար Հրանտի հետ: Կարճ ժամանակ անց հրապուրվելով քարշի պետի տեղակալ Թոմայով՝ լքում է Հրանտին: Դեպքերի բերումով ճանաչում է անբարոյական Թոմային, խորապես գիտակցում է իր սխալը, բաժանվում նրանից և հոգեկան ծանր մաքառումներից հետո կրկին միանում Հրանտի հետ: Մ. Պետրոսյանը վիպակի հերոսուհի էմմայի կյանքի նկարագրությամբ ժխտում է անձնական ամեն ինչից վեր դասող և միայն անձնական «երջանկություն» հետապնդող կնոջը և ուրվագծում նոր ընտանիքի տիպը: Նա գտնում է, որ նոր ընտանիքը պետք է կազմվի իրար հասկացող, նոր կյանքին նվիրված, մի գաղափարի ու նպատակի համար մարտնչող ամուսիններից, այլապես խախտ է ընտանիքի հիմքը և այն ենթակա է քայքայման: Էմման լքում է Հրանտին, որովհետև իսկական կյանքի ու երջանկության մասին նրա ըմբռնումը տարբերվում է Հրանտի ըմբռնումից, որովհետև գեռևս չի կարողանում հասկանալ նոր սոցիալիստական ինդուստրիայի զարգացման հարցերով տարված ամուսնուն, չի ապրում ամուսնուն հուզող կյանքով, հաղորդակից չի լինում նրա խոհերին ու ապրումներին: Նրան թվում է թե երջանկությունը միայն իրեն սիրելու մեջ է, այդ պատճառով առանց երկար մտածելու լքում է անձնուրաց Հրանտին ու իր բախտը կապում Թոմայի հետ, նրա մեջ տեսնելով իր «խղեալը» իրականացնողին: Սակայն շուտով վերանում է պատրանքը. նա զգում է իր

կատարած սխալի մեծությունը, զղջում է՝ խոստանալով, թր չի հասկացել ոչ ժամանակը և ոչ էլ Հրանտին: Էմման վերափոխվում է դորժարանում, աշխատանքի մեջ, սոցիալիստական ինդուստրիայի հաղթանակի նկատմամբ Հրանտի ունեցած հավատի և այդ հաղթանակի համար նրա մղած համառ պայքարի ազդեցության տակ: Նա հասկանում է, որ ընտանիքի հիմքը հայրենիքի սերն է և ստեղծագործ աշխատանքը: Էմմայի վերափոխումով Պետրոսյանը գովերգում է սովետական մարդկանց ստեղծագործ աշխատանքը, ընդգծելով նրա դաստիարակիչ ուժը: «Ես նոր եմ ըմբռնում, նոր եմ հասկանում,— ասում է Էմման,— որ իսկական կյանքն աշխատանքի մեջ է, որ այդ ասպարեզում մարդիկ ավելի են ազնվանում, դառնում տոկուն ու հաստատակամ»: Հեղինակը ցույց է տալիս, որ ով չի ապրում իր հայրենիքի կյանքով, ով չի սիրում աշխատանքը, նա չի կարող սիրել և ընտանիքը: Ընտանեկան սերը կերտվում է աշխատանքի ու նոր կյանքի զարգացման համար մղվող համառ պայքարում: «Մեր եռացող կյանքի հզոր ալիքները,— ասում է Հրանտը,— քեզ մղում են մի հետ ընկած դյուղ, որ արդյունաբերության զարկ տաս...ինձ էլ մի խուլ անապատ, որ նոր ուղիներ, երկաթ ու լսերի ցանցը տարածեմ... դրա մեջ է մեր մեծ թափը, մեր կյանքի հզոր հաղթանակը: Այդտեղ է կերտվում և մեր սերը, Էմմա»: Նմանօրինակ սերը հակադրվում է մեշտանական-սալոնային անբովանդակ սիրուն: Այն դառնում է ոգևորության աղբյուր, նոր կյանք կառուցող մարդկանց աշխատանքային սխրագործության մղող մի ուժ: Այդպես է ապրում Էմմային ու նրա սիրուն՝ հասարակական անձնականից բարձր դասող, սոցիալիստական ինդուստրիայի վերելքի համար մաքառող Հրանտը: Նա խոստովանում է արդեն վերափոխված Էմմային, որ ինքը ոգևորվել է նրանով և ավելի մեծ թափով նետվել «մեր եռացող հնոցը»: «Զեմ ասում, որ առանց քեզ դժվար էր մաքառել, բայց դու թե ու թիկունք էիր տալիս ու ես ավելի մեծ թափով էի նետվում մեր եռացող հնոցը»: Հրանտը ամբողջությամբ կլանված է հասարակական աշխատանքով, սովետական տեխնիկայի կատարելագործումով: «Մեր դարը մաքառման դար է», ահա նրա նշանաբանը: Հրանտը նոր մարդու տիպ է: Նա իր ըմբռնումներով, համոզումներով ու բարձր բարոյականությամբ տարբերվում է վնասարար, այլասերված Թոմայից և հակադրվում նրան: Թոմայի վարքագծի համոզիչ նկարագրությամբ Մ. Պետրոսյանը կարողանում է հակակրանք և ատելություն առաջացնել Թոմայի, նրա վնասարար հաշվապահի և նմանների նկատմամբ: Պետրոսյանը իդեալես ժխտում է Թոմային, հաշվապահին և սովետական ինդուստրիայի առաջընթացը խանդարող բոլոր մարդկանց: Թոմայով Պետրոսյանը զգուշացնում էր ծանր արդյունաբերության մեջ և սովետական հիմնարկներում բուն դրած վնասարարների մասին և ղեղարվեստական խոսքով, հանձին Հրանտի, կոչ անում անդուլ պայքար մղել նրանց դեմ:

Լավ ճանաչելով պատկերվող միջավայրը՝ բանվորական աշխարհն ու մեքենան, Պետրոսյանը Հրանտի նորադյուտ շողերարշի նկարագրության տալիքով ցուցաբերում է շողերարշի մասերի մասնագետի իմացություն: «Մ. Պետրոսյանի մոտ հետաքրքիրն այն է, դրում է Հակոբ Հակոբյանը, որ դուր նկատում եք նրա նորակառույց դյուտի վերաբերյալ մասնագետի մի ամբողջ էնցիկլոպեդիա շողեմեքենայի մասերի... ով ինչ ասում է թող ասի, մեր

գրականության մեջ այս հիշողութիւնը Մ. Պետրոսյանը միակն է...¹ Հրանտի գլուտարարական գործունեութիւնը և հետագայ շոգեքարշի փորձարկման աննախընթաց հաջողութիւնն պատկերաստեղծ Մ. Պետրոսյանը մասսայական գլուտարարութեան պրոպագանդա էր անում:

Որոշ թերութիւններով հանդերձ, բոլշեիկյան դադափարականութեամբ հագեցած «Վերելքի համբին» վիպակում արժում է նոր մարդու, սովետական երկրի վարդապետան գործին նվիրված ղեկավարի տիպը և նրա ստեղծագործ աշխատանքի ու հաղթանակի ազդեցութեամբ վերափոխվող կնոջը, ինչպես նաև ուրվագծվում սովետական հաշտեցութեան ու սոցիալիստական աշխատանքի հիմքի վրա կազմակերպվող նոր ընտանիքի տիպը: Այս վիպակից հետո՝ 1932 թ. լույս են տեսնում երկու վեպեր՝ Ստեփան Զորյանի «Սպիտակ քաղաքը» և Վ. Ատրյանի «Գրոհը», որոնց մեջ սոցիալիստական շինարարութեան այլ ֆոնի վրա շոշափվում է միևնույն թեման՝ նոր մարդու և նոր ընտանիքի հարցը:

5) Մ. Պետրոսյանը, ինչպես ինքն է վկայում, Հակոբ Հակոբյանի դրողմամբ իր ուժերը փորձում է նաև մանկական գրականութեան ասպարեզում: Նրա 30-ից ավելի մանկական պատմվածքները 1923 թվից մինչև 1932 թ. տպագրվում են «Կարմիր ծիլեր» ամսագրում: Մանուկ սերնդի կոմունիստական դաստիարակութեանը դառնում է ծերունի արձակագրի ամենասիրած գործը: Մանկական պատմվածքներում նա պատկերում է գյուղի կուլտուրայան վարժողներ և նոր սերնդի՝ կոմսոմոլի և պիոներիայի աշխատանքը գլուղում («Գվարդիներ»): Մանուկների մեջ դաստիարակում է սեր դեպի աշխատանքը, սեր դեպի ուսումը, հավատ իր ուժերի նկատմամբ և դժվարութիւններ հաղթահարելու ամուր կամք: «Կյանքում միշտ եղիր աշխատասեր և երբեք չես կորչի: Մի ասի թե այս կամ այն աշխատանքը դժվար է: Ոչ մի աշխատանք չկա, որ մարդու ուժից վեր լինի: Հարկավոր է միայն կամք ունենալ, երկաթի պես ամուր կամք» («Փոքրիկ մեքենավարը»): Անցյալի դառն կյանքի և սովետական երկրի հաջողութիւնների նկարագրութեամբ ու այժմիջոցներով պիոներների մեջ դաստիարակում է սովետական վառ հայրենասիրութիւնը և կոչ անում միշտ «բարձր պահել այսօրվա հաղթանակի դրոշը ու իրենց ամբողջ էութեամբ նվիրվել լենինյան շինարար ու բեղմնավոր աշխատանքին» («Նվազում»): Հավ ծանոթ լինելով գործարանային կյանքին, կարողանում է պարզ ու մանուկներին միանգամայն հասկանալի ձևով պատկերել այն, սեր առաջացնելով նրանց մեջ դեպի գործարանը, մեքենան, տեխնիկան («Պիոներները հնգամյակում»): Այս և մի քանի այլ պատմվածքներում առաջ է քաշում պոլիտեխնիկ կրթութեան հարցը, շնորհալով թերիայի և պրակտիկայի սերտ կապի անհրաժեշտութիւնը: «Ինչ որ դուք սովորում եք ուսումնարաններում թեորեւսկորեն, հարկավոր է գիտենալ նաև գործնականում: Մեկը լրացնում է մյուսին: Առանց փորձնականի դժվար է բմբռնել թեորեւս: Ահա թե ինչու դուք պետք է լավ յուրացնեք թե մեկը և թե մյուսը»: Այնուհետև պիոներների մեջ դաստիարակում է սեր դեպի հասարակական հանրօգուտ աշխատանքը, պրում է սոցմրցութեան («Սոց մրցութիւն»), ինտերնա-

¹ Գրականութեան ինստիտուտի գրական արխիւի, գործ № 236, էջ 23:

ցիռնալիզմի («Իմ վրացի ընկերուհիները»), չինական ժողովրդի ռեուլուցիոն պայքարի, չին երեխաների վիճակի մասին և այլն:

Մ. Պետրոսյանը իր մանկական պատմվածքներով մեծապես օժանդակել է մանուկ սերնդի կոմունիստական դաստիարակության գործին, նպատակ ունենալով նրանցից պատրաստել սովետական հայրենիքին նվիրված, նրա մեծ առօրյայով ապրող, նրա վերելքի համար պայքարող տոկուն ու գիտակից քաղաքացիներ:

Եզրակացություն: Պետրոսյանը առաջին հայ պրոլետարական գիրքներից է: Նա նախահոկտեմբերյան շրջանի իր պատմվածքներում ռեալիստորեն արտացոլել է գյուղացիության, քաղաքի աշխատավորական խավերի և հատկապես բանվոր դասակարգի անտանելի ծանր վիճակը, նրա հոգեբանությունն ու ձրգտումները, ցարական և կապիտալիստական կարգերի դեմ ուղղված բողոքն ու ընդվզումները: Դասակարգային գիտակցության եկած բանվորը հայ արձակագրության մեջ առաջին անգամ մուտք է գործել Մ. Պետրոսյանի հետ միասին: Ստեղծագործության նյութը դարձնելով բանվորն ու նրա արհամարհված աշխարհը, ուշադրությամբ հետևելով նրա կյանքին ու պայքարին՝ Պետրոսյանը կարողացել է ճշտորեն պատկերել բանվորի դասակարգային ինքնագիտակցության գալու պրոցեսը ու նրա հետ միասին տարերային խուլ բողոքից հասնել քաղաքական գործազուլի և ռեուլուցիոն պահանջների մակարդակին: Հասունանալով բանվոր դասակարգի հետ միասին, գեղարվեստական ավելի կամ պակաս հաջողությամբ բացահայտել է բանվոր դասակարգի և կապիտալիզմի միջև եղած անհաշտելի հակասությունները և բռնել այդ հակասությունների լուծման ռեուլուցիոն ուղին: Խորապես ըմբռնելով այդ բացահայտ ճշմարտությունը, նա, այնուհետև երբեք չի իջել բանվոր դասակարգի ռեուլուցիոն պայքարի գիրքներից: Իր պատմվածքների երիտասարդ ռեուլուցիոնների նման ամուր բռնած «արյուն արցունքով ձեռք բերված» ռեուլուցիայի դրաշը, քաղել է առաջ՝ ընդհուպ մինչև ցարական-կապիտալիստական դաժան կարգերի տապալումն ու պրոլետարական դիկտատուրայի հաստատումը: Ռեուլուցիոն լավատեսությունը Պետրոսյանի պատմվածքների անգնահատելի արժանիքներից մեկն է: Նախահոկտեմբերյան շրջանի պատմվածքներում ինչպիսի լավատեսությամբ ու հավատով արձագանքել է բանվոր դասակարգի վերջնական հաղթանակի համար մղված պայքարին, հետհոկտեմբերյան շրջանի գործերում նույնպիսի լավատեսությամբ ու հավատով էլ արձագանքել է նոր կյանք կառուցող սովետական մարդկանց աշխատանքային սխրագործություններին: Պետրոսյանի այս շրջանի գործերը շնչում են սովետական վառ հայրենասիրությամբ: Ընկալել է, նա չի կարողացել գեղարվեստական լայն կառավելով դրսևորել կատարված ռեուլուցիոն տեղաշարժերի համաշխարհային-պատմական նշանակությունը, սակայն, իր գրեթե բոլոր գործերում հանդես է բերել բոլշևիկյան սկզբունքայնություն և հավատ սոցիալիզմի հաղթանակի նկատմամբ, որոնք կազմում են նրա պատմվածքների և վիպակների ամենամեծ արժանիքը:

Гр. Григорян

Мадат Петросян

(Р е з ю м е)

Мадат Петросян является одним из представителей армянской пролетарской литературы. На литературное поприще он вступил в 90-х годах прошлого столетия. В своих повестях предоктябрьского периода Петросян реалистически отражал невыносимое, тяжелое состояние крестьянства, а также рабочего класса, их стремления, протесты, выступления, направленные против царского самодержавия. Он в своих произведениях вскрывал классовые противоречия между рабочим классом и капитализмом и становился на позиции революционного разрешения этих противоречий и установления пролетарской диктатуры. Революционный оптимизм является одним из неоценимых достоинств его рассказов. В своих рассказах дооктябрьского периода он с большим оптимизмом и верой откликался на борьбу рабочего класса, за его окончательную победу. В произведениях послеоктябрьского периода М. Петросян показывает героизм советских людей, строящих новую жизнь.

